

元祐黨人傳

元祐黨人傳卷第三

誥授榮祿大夫三品頂戴前廣東南韶連兵備道調補高
廉道權福建鹽運使司鹽法道加四級臣陸心源纂
曾任待制以上官

王古傳

王古字敏仲莘縣人曾祖旦父靖宋史有傳古第進
士力學自進才名顯于時熙寧八年爲司農寺主簿
相度淮東役法時兩浙缺雨古因便體量災傷當賑
濟州縣以聞奏言淮浙旱蝗私家無積乞豫爲備先
是華亭縣邵奇訴張若濟修河冒賞受呂惠卿鄭廣

請強奪民田命古究治劾惠卿黨轉運使王庭老張
覲不公失職皆罷之九年遷大理寺丞提舉兩浙常
平未幾改提舉開封府常平元年改將作監主簿言
義倉之法設于畿邑已見不擾請下提舉司視諸路
稅役錢欠閤不及三分者先推行之

通鑑長編
二百九十四年

丁憂服除提舉京東西路常平因奏事頗言常平法
不便王安禮欲用爲太常丞神宗謂古好異論止以
爲太常博士五年遣祭原武埽靈濟夫人廟六年加
上仁宗英宗諡因升祔四后初議不發冊古奏言奉
上二帝徽號升祔四后神主其事則殊其爲宗廟人

禮一也今陞祔不發冊則大慶廷授上公載輅儀衛鼓吹等亦皆緣此而罷止於太廟有司攝事而已則加號之禮顯陞祔之事隱蓋發冊之禮雖爲祔廟之節文而陞祔之重乃由發冊而後顯今旣行陞祔而反廢其重禮恐萬方觀聽或有以輕重議朝廷者矣或謂故事用冊者皆以改上尊諡或字有增損之故今四后諡無所改則不可用冊然臣以爲郊廟用冊其事多矣非必至於增改諡號而後可爲今自別廟而陞始正帝后同室之位決厯世之疑議舉宗廟之大禮據經稽古至陛下而後定其事至重顧使減於

諡號增改使有司止以常祝告廟此臣所以疑而未
敢決臣愚以爲朝廷苟欲姑徇禮官之議今不用冊
則乞稽參典故凡行禮之節務致隆極使較然以異
於常享庶幾上副致嚴宗廟之意出爲湖南轉運判
官提點淮東刑獄體量淮南及京東路災傷元祐元
年召爲吏部員外郎歷工部郎中顧臨由給事中拜
河北轉運使古與蘇軾李常言臨天資方正學有根
本宜畱左右以補缺遺尋爲右司員外郎劉摯以古
旣非強明又不勤敏五年易祕閣校理尋遷太府少
卿奉使契丹其時北使所過凡供張悉貸于民古請

出公使錢爲之民得不擾七年爲秘書少監八年兼
國子祭酒尋爲起居郎紹聖初遷戶部侍郎詳定役
法與尙書蔡京多不合京言臣欲用元豐人額雇直
而古乃用司馬光法詔徙古兵部尋以集賢殿修撰爲
江淮發運使言者論其常指平歲爲凶荒妄散邦財
充寶文閣待制知廣州四年坐謝表譏妄絺交合黨
奪職知袁州建中靖國元年復拜戶部侍郎遷尙書
與御史中丞趙挺之用赦恩理逋欠古多所蠲釋挺
之劾古多所蠲除傾天下之財以爲私惠不可用改
刑部攻不已以寶文閣直學士知成都府崇寧元年

降授朝散大夫管勾崇道觀三年再貶衢州別駕溫
州安置入黨籍尋移徐州五年敘復朝請郎管勾明
道宮古名臣之後出將使指入造省闕祕府之校文
卿寺之副貳率有顯譽久而益彰紹興中盡還合得
恩澤

宋史顧臨傳參通鑑長編宋大詔令繫年要錄
紀事本末王魏公集卷三蘇軾集呂淨德集

豐稷傳

豐稷字相之明州鄞人神宗召對除監察御史元祐
八年拜吏部侍郎出知河南府加龍圖閣待制連徙
六州徽宗立以左諫議大夫召道除御史中丞論蔡
京奸狀蔡京得政修故怨貶海州團練副使道州別

駕安置台州除名徙建州稍復朝請郎卒建炎中追復學士諡曰清敏事蹟詳宋史本傳

張舜民傳

張舜民字芸叟邠州人司馬光荐其剛直敢言以館閣校勘爲監察御史進祕書少監知陝潭青三州徽宗立擢右諫議大夫居職十七日所上事已六十舉旋以龍圖閣待制知定州改同州坐元祐黨謫楚州團練副使商州安置復集賢殿修撰卒紹興中追贈寶文閣直學士事蹟詳宋史本傳

張問傳

張問字昌言襄陽人熙寧末知滄州自新法行問獨
不阿時好歲飢爲帝言民苟免常平助役之苦反以
得流亡爲幸切直驚人元祐初爲祕書監給事中累
官正議大夫卒事蹟詳宋史本傳

楊畏傳

楊畏字子安其先遂寧人父徙洛陽擢進士第刻志
經術以所著書謁王安石呂惠卿爲郢州教授自是
尊安石之學元祐初請祠歸洛嘗曰畏官夔峽雖深
山羣獠聞用司馬光皆相賀呂大防劉摯爲相用爲
工部員外郎擢殿中侍御史助大防攻摯十事摯罷

蘇頌爲相畏復攻頌頌罷畏欲蘇轍爲相宣仁后召
范純仁畏攻純仁畏本附轍知轍不相復詆轍其傾
危反復如此遷禮部侍郎首背大防稱述熙豐政事
與安石學術哲宗信之遂薦章惇呂惠卿可大任惇
入相畏遣所親陰結之惇至徙畏吏部尋以竇文閣
待制知貢定府天下目爲楊三變謂其進於元豐顯
於元祐遷於紹聖也尋落職知虢州入元祐黨後知
邳州復集賢殿修撰知襄州移荆南提舉洞霄宮未
幾知鄧州再丐祠主管崇禧觀政和二年洛人請封
禪嵩山畏上疏極諛倭方治行得疾卒事蹟詳宋史

本傳

鄒浩傳

鄒浩字志完常州晉陵人元祐中擢右正言蹇序辰
看詳元祐章奏公肆詆欺輕重不平浩言初時但分
兩等語及先帝並語言過差而已今所施行混然莫
辨願加省察章惇獨相浩所言每觸惇忌賢妃劉氏
立沾言萬世公議可畏惇詆其狂妄乃削官羈管新
州徽宗立亟召還尋遷兵吏二部侍郎蔡京用事再
責衡州別駕竄昭州五年始得歸稍復直龍圖閣瘴
疾作卒高宗卽位復待制贈寶文閣直學士賜諡忠

事蹟詳宋史本傳

陳次升傳

陳次升字當時興化仙游人初入太學學官以王安石字說訓諸生次升曰丞相豈秦學耶美商鞅之能行仁政而爲李斯解事非秦學而何坐屏斥熙甯六年第進士元豐末以黃履薦爲御史紹聖二年轉殿中論章惇蔡卞植黨爲奸京卞與次升同鄉里故延置憲府欲使出力爲助而一無所附惇卞交惡之謫南安軍徽宗立召爲侍御史極論惇卞曾布蔡京之惡遷右諫議大夫崇寧初以寶文閣待制知潁昌府

降集賢殿修撰繼又除名徙建昌編管循州政和中
用赦恩復舊職卒事蹟詳宋史本傳

謝文瓘傳

謝文瓘字聖藻陳州人進士甲科元豐中疏言新法
虐民哲宗時黃履薦爲主簿除祕書省正字考功右
司員外郎徽宗立擢起居舍人給事中崇寧元年出
知濮州尋治黨事坐元豐上疏及詣呂公著書謫邵
武軍移處州帝拔黨籍曰朕究知文瓘本末出籍以
爲集英殿修撰知濟州卒事蹟詳宋史本傳

岑象求傳

岑象求字巖起四川梓州人舉進士學有本原持心

近厚熙甯中累官梓州提舉常平

施註蘇詩參樂城集

元祐二

年知鄭州言自宋用臣興置水櫃以來元未嘗以汴

水灌注清汴清汴流水自足不廢漕運乞盡廢水櫃

以便失業之民

長編三百三十八

尋改提點和州刑獄

四百四

四年以朝奉大夫爲考功郎中

四百三

五年以蘇轍孫

升薦爲殿中侍御史十月奏知青州王安禮謾昧商

稅侵擾機戶貪饕不法

四百四十

又言臣今月七日具狀

言知青州王安禮在任踰濫不法乞行根治尋蒙朝

廷改差知蔡州更不推鞠其罪臣竊以爲朝廷行之

有所未當也何則君之於臣進退黜陟必須揭其賢否功過明示於朝此所謂與眾共之不自私於一人也今大臣有罪於法當付有司按劾而朝廷止降守次等藩部又不襮其職名不惟在朝廷之士未之信服仍使被彈之人以爲曖昧不平歸過言者足以藏庇姦迹文飾穢行也臣竊見嚮者蒲宗孟在鄆州止因禁戢賊盜用刑太峻朝廷奪其職授以郡守宗孟戢盜峻刑比安禮踰濫不法公私之際所犯不倫而原情降罰輕重如此朝士未之信服豈足怪哉伏乞聖慈特降睿旨速行按治顯賜黜責以符天下公議

四百四十九

又與蘇轍言尙書右丞許將用心傾險議論
反復將補外又言南省考試分卷取人又五路別立
額奏名頗濫又言近歲太學諸生無叩問師資之益
學官不以訓導爲己任詔書省則多務燕閒少親校
讐請立訓導之法校讐之課詔禮部詳度以聞十二
月奏言臣讀孟子至於禹抑洪水周兼夷狄孔子作
春秋以懼亂臣賊子欲正人心息邪說以承三聖嘗
三復其言知楊墨之教與洪水夷狄亂臣賊子異致
同害而軻之排異反正其功亦不後於三聖也何者
天下之害莫大於無形而有形者次之有形者淺而

易見無形者深而難知洪水夷狄亂臣賊子有形者也楊墨之教無形者也洪水不抑則民死於水夷狄不制則民死於兵亂臣賊子不去則民死於亂楊墨之道不息則民無父無君胥爲禽獸尙三死之不若也嗚呼楊墨之教止行於衰周之時而佛老之禍至今數千年矣楊墨之罪止在於誣民而佛老之徒困民以白封亦數千年此其爲害又非特洪水夷狄之類也其害非特洪水夷狄而學周孔者皆忽略而不顧無一人出力而排之非特不能排之又相與屈身而尊事之增其高益其深使其盛大繁衍自以爲莫

已若甚可怪也臣謂其害之大者有三焉可爲流涕者二可爲太息者一而執事大人曾不以爲慮焉不耕而食不織而衣出入百用一取足於民往往蕃貨賄擅商賈農民之利田疇跨州縣委積如京坻窮奢縱欲不知紀極使吾民日削月朘寢以窮匱有不得糟糠藍縷以實腹蔽體者焉今年作某宮明年造某寺以葺以造歲無虛日使土木被金玉衣文采陸離眩轉功侔鬼神天下名山勝地皆據而有之使吾民庇茅茨暴支體有不得聚廬而託處者焉此可爲流涕者一也不知禍福之原而虛示天堂地獄之變不

知性命之旨而妄肆高仙下鬼之論日夜鏘論鼓動
流俗使人輸五穀以爲之食奉絲麻以爲之衣毆子
弟以爲之章奴彼其割口體之奉捐骨肉之愛者非
樂於飢寒而無愛親之意也持善不固動作有所未
正故惑其言信其事恐禍之及其身而未嘗有人以
中國禮儀之說開其所蔽而然也見王侯公卿大夫
居其上者皆敬畏承事之無一人出片言以道其非
是安得不悅而從之小以徼福於今生與來世大以
冀出離生死故近者競出疏日就太學生員掠錢而
太學生員至有秋試不中捨儒業而事之者用夷變

夏無甚於此法雲僧亡而士大夫及其妻女有相率
哭臨之者風俗口惡無甚於此是二者皆不祥之道
此可爲流涕者二也祖宗時天下道士常近二十萬
僧常近四十萬其童奴倍焉今雖不逮於此而京師
列郡既有歲度之數又有撥放之目使游手惰足之
輩離鄉輕家爲之服役歲月既深則受牒易衣遂終
身安逸矣南畝之民終歲勤苦猶不免於飢寒宜其
去此而就彼也故釋老益眾農夫益少一夫耕而數
百人食之一婦蠶而數百人衣之農何爲不感歎民
何爲不困與此可爲太息者一也三者之害沉痾漸

漬牢固深結其甚如此奈何益尊崇而張大之乎昔
章聖皇帝恭儉寬慈子養黎庶仁深澤□民至于今
頌之□以天下無虞符貺屢至故談道家之說□□
□□□□爲工役累并年而後成曾□□□□□而
作當□□□□□□□由是無餘矣臣傳聞章聖皇
帝在御李沆爲宰相王旦爲參知政事旦一日謂沆
曰每見相公四方奏祥瑞卽便收之奏災異卽須敷
陳恐上誤聖意沆曰今天下無事慮聖人無所用心
萬一事四夷惑佛老恣酒色三事中如有一事卽可
憂也沆老矣但恐同年將來費力後旦爲宰相上聽

道家之說起玉清昭應宮東封西祀幸亳社祠老子
及迎奉天書等旦不能諫正但畫李沆像供養而已
其後上清王清昭應宮福聖護國二塔集禧醴泉二
觀興國青黃二閣乾明崇夏開寶三寺並遇大災琳
宮紺宇皆化爲煨燼以是度上天之意固有所在矣
臣伏見陛下不以上天警戒爲念復起上清儲祥宮
內捐十六七萬緡以給其費訖今錫與宋已又給修
宮殿巨材以爲之用雖遂事不諫然臣深爲陛下惜
之也何則十六七萬緡中人千家之產也以濟邊用
則邊有遺糧以遺貧民則民有餘食漢文以十家之

產罷露臺而陛下以千家之產爲無益之事臣安得
不爲陛下惜之哉國家自太平興國至天聖間屢詔
天下普度僧人無圖之流皆得隸名僧籍而僧之爲
盜賊冒刑禁者不可勝計故張知白奏言臣向嘗斷
劫盜有全是僧徒者于時仁祖有宜漸加澄革之言
惜乎聖旨有其意而臣下不能推明而奉行之也國
家崇奉佛老不爲不至未嘗享其小利而天下陰受
其大害而不知覺可不念哉抑又聞建隆初太祖嘗
詔天下凡寺觀之廢於顯德者不得更興雍熙中太
宗嘗詔天下鄉村不得創修寺觀天禧中真宗嘗詔

公主貴戚近臣不得以建寺爲請祖宗之深計遠慮如此其至今縱未能行沙汰之法歐天下僧道歸之農畝亦當思祖宗之美意止其泛濫於末流也臣愚以爲宜立崇飾塔廟之禁罷兩府貴戚得造寺度僧之制裁歲度撥放之額立常住計口占田之限凡寺觀僧道少者併之其頽弊者毀之明詔中外諭以至意自然天下百姓循服五常之教不爲異物所遷而游惰者日少耕墾者日衆倉廩充實而風俗歸厚矣佛老之徒見臣詆之深切必謂臣不曉其師之說而妄加毀訾焉臣之所言非毀釋迦老聃也蓋斥其徒之

誕妄陰害天下之民而已臣請就其說而言之夫佛之理有二焉有藏教有禪宗所謂藏教者臣嘗觀而詳味之矣雖卷帙浩穰詞說繁猥然可以一言蔽之無出於空寂不動而已蓋西方謂寺爲伽藍伽藍者華言所謂靜住也謂其徒爲僧隨僧隨者華言所謂乞士也稱其居爲靜住目其人爲乞士則佛所以責其徒者何如哉今不能精進戒律篤修行業而乃多求厚藏享美饌衣鮮衣獲吾民之財以奉其身而嚴飾其居處是大違戾其師之說也所謂禪宗者臣嘗周詢而深究之矣雖言辭深隱旨趣幽微然可以一

理要之不過於圓通無着而已蓋欲不起一念不依
倚一物不與萬法爲侶此其極至也今其徒不能泯
思慮忘形骸虛心以會道而乃雞鳴而起孜孜然馳
驚於聲利之場唯恐人之不我信嚮唯恐人之不我
資給是大違戾其師之□□□□之言雖亦甚變然
老聃止有玉□□□□□□□□反神備羽化
之事其他皆黃衣之徒浮淺誕□□□廣其衣食之
源而已是尤不足信者也夫神仙羽化之事□出於
傳聞天下之人固未嘗見也安足信哉且黃衣之徒
□不及釋氏弟子以綴緝言詞竊相摸倣故僧云南

無西方而道云歸命東方僧云極樂世界而道云逍
遙世界其詭譎虛□□皆是也臣觀老子之道大要
不過清靜無爲而已老子言清靜無爲則是與佛之
圓通無着同其大旨也佛之言圓通無着則是與孔
子之寂然不動感而遂通天下之故同其大旨也其
道既本於清靜無爲圓通無着則尙安俟於紛口外
飾邪昔唐久視中欲鑄大像使天下僧人日施一錢
以□不□國用而狄仁傑諫之謂工不使鬼必是役
人物不天來皆從地出睿宗造寺而辛替否諫之謂
佛教以清靜爲□□□爲主故嘗體道以濟物不爲

利欲以損人常去已□□□不爲榮身以害教三時
之月掘山穿地損命也殫府虛□損人也廣殿長廊
榮身也損命則不慈悲損人則不濟物榮身則不清
靜豈大乘之心乎公主外戚造寺度人姚崇諫之□
□不在外近在於心但發心慈悲行事利益則卽是
佛身□□妄度姦人令壞正法彭偃議澄汰佛道二
教而謂佛之□□清靜無爲若以色見卽是邪法天
生蒸民必將有職遊行□食王制所禁今天下僧尼
不耕不織廣作危言險語以惑□□一僧衣食歲計
三萬有餘五丁所出不能致此舉一□□□天下□

□可知四人之□□著明深切可爲至戒其爲□者
不可悉陳至於禍福吉凶則遠近大小各以類至未
有□因行□是否而待之者也六□不降六極不臻
天下曠然爲□其生優游無爲垂收後□是天子之
福也職修事舉譴罰不加是百吏官人之福也事父
母育妻孥安分守業身無禍殃是士庶人之福也四
者爲福雖殊而所以取之則一曰修身謹行而已禍
福之應旣在於人則天莫得而私之矣天且不能容
私於其間而況於佛老歟況佛老之徒欺憲宗迎佛
骨供養於內而韓愈力陳歷代有佛無佛及其享生

長短以諫仍指其骨爲凶穢之餘傳奕請去佛教而
曰佛是胡中桀黠欺誑夷俗皆邪僻小人模寫莊老
微言文飾妖幻之教於國家有害二人論佛教近於
習矣以佛威神之力二人宜天橫短折坎珂以死而
卒以壽命晏然而終何也蓋其論公天下而言非以
逞其私也佛果有威神之力安能降禍於公論無私
之人哉昔者三代之盛時道行而俗純美國富而民
和樂當此之際固未嘗有佛老也天下百姓唯知有
堯舜五常之教無異端之說惑亂其意而耗蠹其生
是以至於此也梁武皇帝信人天因果之論起寺度

僧窮極盛麗大設齋會推行教文以至捨身給事欲
僥取福利卒不免臺城之禍則爲善果不在於供僧
道事佛老矣凡有所動作涉於形相皆有爲之法而
一切有爲之法佛譬之夢幻泡影蓋言其非真實也
言其易散滅也言其不可依據也由是論之佛之教
人豈在於營造供事之間哉黃老之教人亦無異於
此也今國家以二聖降誕節及祖宗忌辰凡有所禱
請無不集絃黃鼓鐘磬饒鈸設幡幢誦持歌唄歸敬
於二教甚非先王之法也以爲子孫臣下推奉先報
本之意而奉先報本之意果在於此乎若更以爲必

能感神致福則萬無此理近歲朝廷減出賣祠部皮牒而增其直若非二聖知道愛民何由及此然貴戚妃后之家起造寺觀莫知其數如曹逸起休糧道者院張敦禮建法雲寺皇親蓋洞真宮勅修開寶寺乾明寺殿相國寺東塔之類以至天下郡縣營造不可悉記土木之功所在甚盛若不禁止稍行減廢則興作耗蠹無有窮極將不勝其弊矣臣願陛下思周孔之格言行堯舜之常道體老子清靜無爲之理而損宮觀章醮之繁儀原釋氏圓通無着之意而裁寺宇齋會之末節勿以臣之淺陋而廢其言將臣此疏下

兩禁儒臣博議采臣上所陳六說詔有司行之是將
陰獲大利於天下矣決數千年之疑惑減億兆人之
耗蠹使法垂後代名播千古在陛下思之而已猶直
之言上讀聖聰罪當萬死幸陛下裁赦

諸臣奏議

六年言

長垣令孫述決無罪被水百姓柳閭限內死有司按
實述避罪翻異請再鞠無差遇赦不原從之又言右

朝奉大夫宋彭年向知邢州穢濫不檢郡政頽廢

尋

卒又言王安禮平生猥濫至老不悛典領雄藩爲惡

尤甚近褫職名若及一年還後仍舊乞放歸里或安

置散官尋避蘇轍親爲金部郎中

四百五十五

改吏部郎

中爲兩浙轉運副使賜米二萬斛錢二十萬緡賑濟

災民

四百六十七年

召爲戶部郎中徽宗卽位以潛邸舊

勞除寶文閣待制知鄆州未幾以疾告充寶文閣待

制致仕象求力行素學老而彌堅

鄉道鄉集

崇寧三年入

黨籍初熙寧末象求閒居江陵披閱載籍見善惡報

應事輒剛潤而記之爲吉凶影響錄十卷

晁公武郡齋讀書志

周鼎傳

周鼎字

元祐七年累官左朝請郎刑部

員外郎

長編四

百八十八元符元年朝奉大夫大理少卿

長編四

四十九十二年遷序辰爲賀北朝生辰使違例受擡箱絹

馬谷十匹命鼎就寺置司推究

長編五
百七

尋擢集英殿

修撰刑部侍郎英宗王皇后爲巨闢誣以闇昧命鼎

卽祕獄參驗略無一迹

宋史王
皇后傳

崇寧初降授朝奉大

夫直龍圖閣知濟州尋坐爲刑戶部官朋附奸臣倡

寬縱之說刪改元符敕條落職依前官知郢州

九朝
備要

廿六崇寧三年坐元符末上書邪中第三十二人入元

祐黨籍大觀二年出籍

長編紀
事本末

五年贈徽猷閣待制

制曰朋黨之論不問于帝王盛時而起于漢唐之季

世夫舉賢才之士以黨名之其效至于戎馬生郊中

原板蕩既往之禍豈不痛哉朕用懲之是以盡崩沉

寬激勸百寮爲永世之戒鼎秉心端亮盡言無諱受
材肅給所至有聲昔蒙邪慝之名今見忠良之實西
清次對追賚九臬尙其有知服我休命

繫年要錄一百九十二

徐勣傳

徐勣字元功宣州南陵人哲宗見其文獎諭之未及
用徽宗立擢寶文閣待制遷中書舍人時紹聖黨興
尙在朝人懷異意以沮新政與蔡京同校五朝寶訓
勣固辭奏京之惡引盧杞爲喻遷給事中翰林學士
俄而遭憂京入輔執中亦預政摘勣行章悖詞以爲
詆先烈服闋主智靈仙觀入黨籍起知江寧府言者

復論爲元祐姦朋罷歸大觀三年知太平州加龍圖閣直學士留守南京除顯謨閣學士致仕卒贈資政殿學士事蹟詳宋史本傳

路昌衡傳

路昌衡字持政開封祥符人紹聖中召爲衛尉少卿俄以寶文閣待制知開封府累知成都徽宗立應詔上書俄坐李清臣獄事責司農少卿分司居郢州明年起爲滁州徙南京留守坐前上書事落職入黨籍卒宣和五年贈龍圖閣學士事蹟詳宋史本傳

董敦逸傳

董敦逸字夢授吉州永豐人元祐六年召爲監察御史言蘇軾蘇轍相爲表裏以紊朝政罷爲湖州通判改知臨江軍紹聖初復除監察御史論常安民爲二蘇之黨遷左司諫明年出知興國軍徙江州徽宗卽位召爲左諫議大夫極言蔡京蔡卞過惡遷戶部侍郎卒事蹟詳宋史本傳

上官均傳

上官均字彥衡邵武人元豐中蔡確薦爲監察御史裏行哲宗卽位擢開封府推官元祐初復爲監察御史論青苗以爲有惠民之名而無惠民之實蔡確弟

積盜貨官錢萬計獄既上均請正確罪遷工部員外郎知趙州徽宗立入爲祕書少監中書舍人知永興軍徙襄州崇寧初與元祐黨籍奪職主管崇寧觀政和中復集賢院修撰提舉洞霄宮久之復龍圖閣待制致仕卒事蹟詳宋史本傳

葉濤傳

葉濤字致遠處州龍泉人進士乙科爲國子直講虞蕃訟起坐受諸生茶紙免官濤王氏壻也卽往從安石于金陵學爲文詞哲宗立上書自理得太學正紹聖初司馬光責官濤爲制詞極醜詆擢中書舍人安

熈降學士濤封還云不宜加罪蔡京劾爲黨罷知光州連三黜曾布引爲給事中居數月而病以龍圖閣待制提舉崇禧觀卒事蹟詳宋史本傳

郭知章傳

郭知章字明叔吉州龍泉人以鄭雍顧臨薦爲監察御史哲宗親政上書請用淳化天禧詔增諫官員遷殿中侍御史請罷制科復元豐役法大抵迎合時好權工部侍郎坐主導河東流知和州徽宗立曾布用爲工部侍郎拜刑部尙書言者又論河事罷知鄧州旋入黨籍數年復顯謨閣直學士政和初卒事蹟詳

宋史本傳

楊康國傳

楊康國魏人第進士材具修整應物知務果官朝奉
郎御史臺檢法官元祐二年以胡宗愈薦除監察御
史疏言蘇軾撰到召試廖正一館職策題問王莽曹
操攘奪天下難易莫不驚駭相視時臣未有言責徒
自震恐未必無人爲陛下言不可之狀致朝廷尙稽
竄責今幸擢置言路豈敢畏避緘默孤負且石勒一
僭僞之主猶曰終不學曹孟德司馬仲達狐媚以取
天下臣爲人臣不忍盡道石勒之語王覲論胡宗愈

不可執政內批落諫議大夫與外任康國言一二年
來陛下略不優假言路去年逐張舜民今歲又罷王
觀皆緣論及執政而歲歲逐諫官望追寢罷觀之命
三年九月以劉安世言與執政瓜葛之戚改權發遣
開封府推官遷工部員外郎五年復爲監察御史劉
摯乞外任康國奏言臣竊聞門下侍郎劉摯避寵辭
榮懇求外郡傳播京都人情上下莫不驚駭蓋摯高
材遠識公正不倚有以大過人者此不獨天下所共
知亦爲陛下所知久矣故自侍御史再遷爲執政三
四年間徧歷三省公望益隆自以眷厚責深勇於求

退雖於摯爲美於人爲難其在朝廷事體甚重豈可輕聽其去臣聞楊綰居廟堂人心自化汲黯在朝淮南寢謀是則德望大臣進退出處實繫國家休戚安可不謹臣愚職在言責乃陛下耳目之官有所見聞豈敢避罪畏縮而不言也伏望押摯依舊入省與二三執政協謀同輔共致太平天下幸甚尋擢殿中侍御史改左司諫章衡除集賢殿修撰知襄州康國言衡污行醜名著聞天下語其惡穢之迹君父之前不敢縷陳豈可以歲月敘遷進兼清職況郡守之寄師表千里民所取法考衡素履所至之郡識者見之莫

不訝朝廷差任之失愚民見之則曰郡守尙爾我何爲而不可當見夫不夫婦不婦男不男女不女矣伏望追寢新命以清朝論六年資政殿大學士前知青州王安禮移知蔡州以言官彈奏青州任內不法事得實移知舒州康國奏言安禮自小官以至大用白謂姦雄所至恣橫前任柄臣已坐濫違罷去年持帥節又以贓污著聞猶敢公肆姦言文飾罪戾足見凌蔑法度侮慢朝廷大臣若斯可不深治而乃止令遷易自蔡移舒在安禮無一毫之損士論沸騰莫不竊議或謂朝廷優異大臣特屈常法臣雖至愚實所未

喻如此施行恐非所以示天下至公也況安禮素無
禮義必不謂朝廷屈法以爲恩當謂曲見牢籠而愈
橫若方鎮大臣又有如安禮之不法者不知朝廷將
治之乎又將貸之乎若將治之則何行之於彼而不
行之於此若將又貸則臣恐自此以往方鎮大臣更
相倣倣以玩陛下之法矣苟況以謂法者治之端足
以輔德而弼教陛下深居九重垂衣拱手雍容指揮
而天下莫不傾聽承命遵守詔令而不敢須臾違者
以其畏朝廷之法耳今法不行而務寬貸使天下何
所畏憚恐非朝廷之福也且法行則朝廷尊不行則

紀綱壞漢賈誼曰先王執此之政堅如金石行此之
令信如四時據此之公無私如天地是法豈可以不
行也奈何爲一安禮而特屈陛下之法哉伏望正安
禮之罪褫奪職名使自循省以誠天下不法之吏詔
落安禮職仍知舒州尋兼權給事中蘇轍除尙書右
丞康國奏言朕乖不共事雖職不同室其勢然也故
自聖朝祖宗以來官吏之有嫌隙不和者率許相避
蓋其情終不可以強同而適足以敗事故也且以近
事言之昨賈易懷州上謝表言蘇轍持密命以告人
志在朋邪而害正後易爲殿中侍御史轍爲御史中

丞不可以同處臺中朝廷遂罷易出爲淮東提刑近
日中書侍郎傅堯俞同知樞密院事韓忠彥因理會
職事而輟彈奏堯俞等以爲無禮無儀見欺自解欲
擅威權互相紛爭而又旁及呂大防劉摯蘇頌當時
士論不平皆謂彈奏不當致使堯俞等居席不安素
煩天聽乞解機務幸賴陛下體察宣押堯俞等依舊
供職彈墨未乾遽擢輟與堯俞等同參大政且輟與
易臺中尚不并處況廟堂之上動繫天下安危豈可
與堯俞等其事哉有此未安所繫甚大所有畫黃未
敢行下謹具封還伏望精賜裁處又言臣僚累具彈

奏尙書右丞蘇轍不可爲執政者其事有六至今未
蒙聽納臣自惟遭遇陛下不以臣不肖擢臣置之諫
垣者度陛下必欲激臣懦衷使之夙夜恐懼日思所
以圖報也今豺狼當路姦惡在朝臣若持祿取容畏
憚緘默不爲陛下言之則是臣有負陛下任使矣臣
何面目復見陛下乎此臣所以甯犯顏竭忠而死不
願箝口持祿而榮萬一開悟聖聰屏去姦惡朝廷清
明聽斷無惑召來和氣天下大安豈獨愚臣惓惓之
望朝論上下端人正士以朝廷爲憂者莫不有此望
也轍有六事而陛下不以爲過此恐陛下以轍兄弟

並有文學所以眷獎之厚而用轍之堅也果如此則尤不可也陛下豈不知王安石章惇呂惠卿蔡確亦有文學乎而所爲如此若謂轍兄弟無文學則非也蹈道則未也其學乃學爲儀秦者也其文率務馳騁好作爲縱橫捭闔無安靜理致亦類其爲人也比王安石則不及當與章惇蔡確呂惠卿相上下其所爲美麗浮侈豔歌小詞則並過之雖轍亦不逮其兄矣兄弟由此故多得名於戚里中貴人之家其學如此安足爲陛下謀王體斷國論與其緝熙天下之事哉王安石以文學進而天下擾擾此陛下之所知也當

時呂誨大奮忠義屢疏安石謂亂天下者必此人也
又曰必無安靜之理皆果如其言此亦天下所共知
也陛下若悅蘇轍文學而用之不疑是猶又用一安
石也轍以文學自負而剛狠好勝則與安石無異矣
安石進而韓琦富弼司馬光不能並處相繼罷去何
哉蓋趨向不同而所見者異也正人皆去故安石得
以援引同類則呂惠卿章惇蔡確接迹居廊廟故天
下援援此亦陛下之所知也今陛下顧轍之厚而用
轍之堅臣恐宰執之間自非貪榮苟祿有如韓琦富
弼司馬光之人不能與轍並處有相繼而去者矣又

況復有睚眦者乎則轍於私計得行援引朋邪又如
安石之引惠卿惇確共處廟堂則天下之事又不可
知也此皆治亂所繫非同尋常彈奏庶官違法害公
之事而已臣今所言上可以繫朝廷安危下可以繫
生民休戚此事甚大不可不慮也臣是以忘身捐命
不避禍患而爲陛下言之惟望陛下斷自宸衷早賜
罷轍則天下幸甚轍疏辨並許康國康國罷爲吏部
員外郎中書舍人鄭雍繳還詞頭改郎中康國乞外
補除知磁州旣而韓忠彥劉摯謂此除不平遂改衛
州康國復自言昔官于衛死亡者五願換相或懷因

再改相州以祠部郎中移知蘄州改京東路轉運副
使康國由貧賤輟耕讀書爲御史諫官出奉使指議
論政事爲朝廷聞人崇寧三年入黨籍

通鑑長編參
劉摯忠肅集

龔原傳

龔原字深之處州遂昌人少與陸佃同師王安石哲
宗卽位爲太學博士兩浙運判紹聖初召拜國子司
業遷起居舍人權工部侍郎出知潤州徽宗初入爲
祕書監厯知廬州陳瓘擊蔡京原與瓘善或謂原實
使之奪職居和州起爲亳州命下而卒

朱紱傳

朱紱字君貺福建仙遊人與同郡黃隱傅楫皆以詞賦名治平四年登進士甲科元祐二年以李常孫覺等薦除王宮大小學教授紹聖初章惇當國貶斥元祐諸臣紱被旨召對首陳正心誠意知人安民之說遷諸王宮侍講四年再遷翊善元符元年改都官員外郎鄒浩以諫劉后事竄新州貧甚紱率親舊贖行事聞下臺鞠治以紱贖特厚追一官勒停徽宗卽位起用藩邸舊臣累遷右諫議大夫給事中時范純禮劉安世呂希哲張舜民屏黜在外紱悉爲論列馬涓送吏部與入差遣紱謂涓臺官兼進士第一人無他

過犯送吏部非崇重臺官之體紱在後省凡四閱月
論駁無虛日政府遣人諭意紱不爲動會蔡王似府
史以語言指斥送大理寺推治似上表待罪左司諫
江公望論救黜知淮陽軍紱論駁再三以忤旨出知
壽州崇寧元年進寶文閣待制知成德軍兼眞定府
路安撫使先是蔡京欲築木蘭陂渠以應讖詭言引
水溉田請於朝及紹述說興紱遣書責京曰寒族居
莆者爲築陂傾產雖爲莆亦爲公也自陂成以來公
家父子兄弟布滿朝廷未必非鍾靈蘭水力宜建樹
不朽爲梓里增光而公由開封厯承旨轉僕射皆爲

美官諸所建明殊損威望令弟樞密公爲荆公名坦
濡染學術乃中傷善類酷於章惇長公子少保君常
蠱惑宸衷諸少公子侍郎君駙馬君侍讀君協謀相
濟天下之人盡皆切齒殆非所以報効國恩培植家
慶而赫濯地靈也近者太后還政新天子銳意太平
而僉黨侶紹述熙豐之議彼爲是議者豈眞毫髮爲
朝廷計哉特借是以固寵位復恩怨爾自公秉政中
外屬望今乃持之益堅行之益力是知有私恩不知
有國恩知肆情得意取快一時不知基禍異日貽穢
青史爲可畏也京怒喊御史中丞石豫劾絳與王回

鄒浩合黨落職提舉杭州洞霄宮入元祐黨籍五年以星變故除黨禁起知復州蔡京復相紱遂罷大觀元年依舊落職贈少保

通鑑長編楊仲良紀事本末參補建通志

葉祖洽傳

葉祖洽字敦禮邵武人元祐初歷職方兵部員外郎紹聖中爲左司郎中曾布用事以吏部侍郎召韓忠彥不可改竇文閣待制知青州未赴布引爲吏部祖洽與曾布厚人目爲小馴狐布罷出知定州且行大言於上徽宗怒其躁妄降集賢修撰提舉沖祐觀自是不復用久之知洪州改亳州加徽猷閣直學士政

和末卒事蹟詳宋史本傳

朱師服傳

朱師服海州人紹聖四年任禮部侍郎中書舍人坐與蘇軾往來五年責授海州團練副使安置興國軍入黨籍崇寧五年移秀州紹興三年追復集英殿修撰五年師服孫迪功即秉文乞復未責降以前從官職名再復寶文閣待制已而有以白劄子遺趙鼎者并以師服賀改元及謫官謝表上之有曰首元祐之謫籍二紀于茲尾神考之從班一人而已寅緣軾轍之度嶺初一承顏先授安李之當塗未嘗通問乃不

施行要錄卷六
十七卷九十

元祐黨人傳卷第四

誥授榮祿大夫三品頂戴前廣東南韶連兵備道調補高

廉道權福建鹽運使司鹽法道加四級

臣陸心源纂

餘官

秦觀傳

秦觀字少游揚州高郵人見蘇軾于徐爲賦黃樓軾以爲有屈宋才元祐初軾以賢良方正薦除太學博士爲國史院編修官紹聖初坐黨籍出通判杭州御史劉拯論其增損實錄貶監處州酒稅又以謁告寫佛書爲罪削秩徙郴州繼編管橫州又徙雷州徽宗

立復宣德郎放還至藤州游華光亭爲客道夢中長短句索水欲飲水至笑視之而卒事蹟詳宋史本傳黃庭堅傳

黃庭堅字魯直洪州分甯人幼警悟讀書數過卽成誦舅李常過其家取架上書問之無不通常驚以爲一日千里哲宗立召爲校書郎神宗實錄檢討官擢起居舍人紹聖初出知宣州改鄂州章惇蔡卞與其黨論實錄貶涪州別駕黔州安置言者猶以處善地爲散法遂移戎州徽宗卽位起監鄂州稅簽書甯國軍判官知舒州以吏部員外召皆辭不行丐郡知太

平州至之九日罷主管玉隆觀庭堅嘗與趙挺之同校舉子文一卷使蟒蛇字挺之欲黜之諸人盡然庭堅獨相持挺之識其言問曰公主此文不識二字出何處庭堅良久曰出梁武懣挺之以其侮已大銜之及是挺之作相令陳舉上所作荆南承天院記指爲幸災除名羈管宣州三年徙永州未聞命而卒事蹟

詳宋史本傳

參過庭錄

晁補之傳

晁補之字無咎濟州鉅野人舉進士試開封及禮部別院皆第一元祐初爲太學正遷著作佐郎章惇當

國出知齊州坐修神宗實錄失實降通判應天府一毫
州又貶監處信二州酒稅徽宗立復以著作召既至
拜吏部員外郎禮部郎中兼國子編修實錄檢討官
黨論起爲諫官管師仁所論出知河中府徙湖州密
州果州遂主管鴻慶宮還家葺歸來園自號歸來子
大觀末出黨籍知達州改泗州卒事蹟詳宋史本傳
張耒傳

張耒字文潛楚州淮陰人十三歲能爲文十七時作
函關賦已傳人口弱冠第進士范純仁薦試秘書正
字紹聖初以直龍圖閣知潤州坐黨籍徙宣州謫監

黃州酒稅徙復州徽宗立起爲通判黃州歷知汝州
崇甯初復坐黨籍落職主管明道宮未在潁聞蘇軾
訃爲舉哀行服言者以爲言遂貶房州別駕安置於
黃五年得自便居陳州晚監南嶽廟主管崇福宮卒
建炎初贈集英殿修撰事蹟詳宋史本傳

吳安詩傳

吳安詩字傳正建安人父充宋史有傳安詩有賢行
東萊詩話以蔭歷朝散大夫元祐三年爲禮部員外郎四
年擢右司諫吳處厚奏上蔡確所作車蓋亭詩安詩
上疏劾確譏訕確責降分司南京安詩同左諫議大

夫梁燾等奏言責確太輕確遂有新州之命及登對
宣仁后獎諭曰卿等論事每如此天必祐之知成都
府李之純召爲戶部侍郎以蔡京代之安詩復與燾
等奏言之純謹厚豈弟詳練政事在蜀八年百姓安
悅驟以輕薄少年代之至則必徹才能之名不肯以
持循安靜爲意蜀民易爲動搖恐別致生事爲異日
之憂疏入改京爲江淮荆浙等路發運使七年除天
章閣侍講改直集賢院兼侍講尋除中書舍人章惇
復資政殿學士安詩不書錄黃八年與蘇軾等校正
陸宣公奏議進呈

長編四百八十四

紹聖元年門下侍郎蘇

轍罷知汝州安詩草制有風節天下所聞及原情本
出愛君語哲宗怒命別撰詞降爲起居舍人四年坐
鼓煽凶焰附會邪謀責授濮州團練副使連州安置
崇甯元年列名黨籍通鑑長編參紀事本末東萊詩話安詩母正憲
夫人也知識過人最能文紹聖初安詩欲論事而懼
其親老未敢夫人聞之屢促其子論列時事及貶夫
人不以爲恨故蘇子由輓詩云贊夫成相業聽子得

忠言

東萊詩話

歐陽棐傳

歐陽棐字叔衍修中子廬陵人登進士乙科哲宗卽

位爲秘書省著作郎後爲職方禮部右司二員外郎
章偁入相斐數請外乃以朝散郎秘閣校理知襄州
有魏泰者曾布妻兄也居襄二十年倚布以傳食于
漢南雖爲布衣州郡以倖貳之禮接之多規占公私
田園前後無復誰何者于是于州門之東偏樓店官
廢址爲天荒而請之上下彌縫爲成書斐曰孰謂州
門之東偏而有天荒可請乎州官上下更謂斐不可
却斐曰天荒在野泰請之地州門之左以門左之地
爲天荒售人非政也憚泰而誣天荒之令非法也泰
怒訴于轉運司下其訴于州斐終持不與泰由是譖

于布罷知潞州元符元年詔裴朋附元祐每希進用

落職

長編五
百三

元符三年復以朝散郎還朝爲尙書吏

部郎中遷右司郎中請外知蔡州崇寧元年入黨籍

鑄職降官五年出籍政和三年卒

西臺集參
紀事本末

著有堯

歷三卷合朔圖一卷歷代年表十卷三十國年紀七

卷九朝史畧二卷食貨策五卷集古目二十卷囊餘

二卷

西臺集

事蹟詳宋史本傳

劉唐老傳

劉唐老字壽臣

范太史
集手記

洛陽人曾祖溫叟祖燭宋史

有傳父忱字明復官修撰唐老文采質性見稱縉紳

和而不流敏而不固熙寧七年忱以太常少卿會遼使蕭素商量地界唐老由惠州司戶參軍隨行書寫機宜文字元祐初累官奉議郎二年以呂大防舉召試館職合格除秘閣校理權登聞鼓院三年爲太常博士五年遷右正言奏言大學一篇論入德之序願詔經筵之臣訓釋此書上進庶于清閒之暇以備觀覽從之又言諸路州縣有自來災傷倚閣稅賦候豐熟日起納今來秋稼已成竊慮官吏乘此登稔併行催索轉運司利於輸入不免督責施行伏念間者累年災傷公私逋負不少幸茲一稔稱貸之餘苦無遺

溢逼於催科之嚴反以收成爲患臣欲乞朝廷指揮
諸路有倚閣稅賦以十分爲率且令催納三分其餘
候將來豐熟依條舉行所貴佃民實獲豐年之惠又
言貢舉條制考進士試卷以四場工拙定去留高下
蓋以分經取人有多寡幸不幸之異故使程文均取
更不分經考校然而主司以其四場通定之文所主
不一或以經義或以詩賦或以策論各隨習尙互爲
升黜緣舉人所繫利害大者在於得失而高下又其
次焉須其去留高下之間二者分爲約束如治平以
前詞賦取士則去留主詞賦熙甯以後經術取士則

去留主經術其論策二場惟以品第高下今既經術
詞賦別成兩科須理各有所主治經者必以義對爲
先作賦者當以章句爲重乞將治經者以大義定去
留詩賦而兼經義者以詩賦主取舍策論止於定高
下不豫去留之例如此則主司議論既各有適從士
子得失亦不誤所習伏乞詳酌施行從之知蔡州資
政殿學士王安禮緣人言移知舒州唐老奏言安禮
緣青州任內貪穢不法朝廷再下監司體按未知今
此改任爲其有罪而責之邪以爲無事而不治邪苟
爲有罪而責則舒之視蔡均爲便藩何名譴黜若爲

無事而不治則今茲易地有何所因又安禮常以章
辨歸過於指使使臣衆議喧然亦以爲笑且身係大
臣固當自重乃與使令廝役規利營財主俸祿之遺
餘昧商途之稅入縱非已物猥屑益彰臣竊謂官吏
在任與貶論法固不爲輕使小人有犯則罪之大臣
犯此則弗罪則是禁令已不行於貴近法與天下公
共王者猶不得私況臣下乎伏望聖慈將所按王安
禮事迹明白施行以正朝廷之紀綱以肅官吏之貪
穢六年以疏劾蘇軾與趙鼎交通誣罔罷爲兵部員
外郎韓川封還詞頭唐老乞知絳州移提點秦鳳等

路提刑紹聖中唐老嘗爲文康世言時事必變章惇必族滅餘執政必竄四年爲康世妻父蔡頌所告詔唐老元祐姦黨時出險言落職添差監桂陽監鹽茶酒稅徽宗卽位復官朝奉郎直秘閣知曹州崇甯元年落直秘閣改知相州尋坐爲刑戶部官時倡爲寬縱之說刪改元符敕條落職勾管鴻慶宮崇甯二年除名勒停三年入黨籍五年叙復朝請郎

通鑑長編參紀事本

末范太史集手記邵氏聞見錄劉敞彭城集

王鞏傳

王鞏字定國莘縣人父素宋史有傳鞏篤學力文志

節甚堅練達世務彊力敢言吳充馮京器其爲人

東坡

集樂城集

上書言事多切時病京薦于上王安石沮之

學老

庵筆記

累官大理評事八年坐見徐革言涉不順而不

告追兩官勒停

長編二百六十二

尋爲秘書省正字九年坐

借趙居兵書追兩官勒停元豐二年叙復太常博士

坐與蘇軾交通受謗訕文字不繳又受王詵金謫監

賓州鹽酒稅

通鑑長編

一子死貶所一子死于家

東坡序

安患難不戚于懷初王氏父子以經術得幸下其書

于太學凡置博士試弟子皆以新書從事不合者黜

之輩處放逐

秦少游論語註序

更刻苦讀諸經頗立訓傳以

示意

山谷集

成論語註十卷自信不惑成一家之言請

閩門奏上之三年歸來

秦少游序氣益剛實

劉摯曰記見長編四百五

十九

言事如故

欒城集

司馬光喜之待以國士

東坡集

元

祐元年

長編

言之朝廷擢宗正寺丞

欒城集

疏論宗室疎

遠者不當稱皇伯皇叔言者撫其疏指爲離間宗室

除揚州通判

長編二百九十
二參東坡集

在任皎皎府賴以治更

謝景溫王安禮二守皆相喜因有少年之過代還四

年除知海州不滿意呂大防愛其才改知密州到官

數月言者交攻罷歸因恩例乞得管勾太平觀

劉摯日記

五年起判登聞鼓院朱光庭言未協公議詔別差遣

長編四百四十五

謝景溫荐其有政事才通判揚州在官無

過

四百四十六

蘇轍言鞏之所長人所難能所短或少年

所不免乞加錄用六年除知宿州

四百五十二

安鼎姚勳

論鞏在揚州日交通州吏馬守珍踰違公事詔罷新

命依舊管勾太平觀

長編四百五十九

改朝奉郎管勾鴻慶

宮紹聖初爲榮州簽判

長編五百四十四

鞏跌宕傲世好

臧否人物其口可畏以是頗不容於人

劉鞏日記

每除官

輒爲言者所論故終不顯

宋史

元符元年坐元祐中及

元豐末累上書議論朝政欲盡變先朝法度追毀出

身以來告勅除名勒停送全州編管徽宗立復朝散

郎崇甯元年送吏部與台入差遣入黨籍

長編參紀事本末

輩生長富貴所好皆老書生事

山谷集

長于詩宋史東坡

歎爲不及

墨莊漫錄

他文章不守近儒繩尺欲以雄長一

時山谷集

小草有高韻

宋書錄

著有論語注十卷聞見近

錄一卷甲申雜記一卷隨手雜錄一卷

呂希哲傳

呂希哲字原明公著長子終公著喪始爲兵部員外

郎范祖禹其妹壻也祖禹言于哲宗詔以爲崇政殿

說書擢右司諫不拜紹聖黨論起御史劉拯論其進

不由科第以秘閣校理知懷州分司南京居和州徽

宗初爲秘書少監改光祿少卿以直秘閣知曹州崇
甫元年落直秘閣入黨籍依舊知曹州移相州徙邢
州罷爲宮祠羈寓淮泗十餘年卒事蹟詳宋史本傳
參長編紀事本末

杜純傳

杜純字孝錫濮州甄城人以蔭爲泉州司法參軍熙
甯初以河西令上書言政王安石異之引置條例司
元祐元年范純仁韓維交薦除河北轉運判官召爲
侍御史言者詆其不由科第改右司累陝西轉運使
還拜鴻臚光祿卿權兵部侍郎以集賢院學士提舉

崇福宮改修撰卒事蹟詳宋史本傳

張保源傳

張保源字澄之

草堂寺題名

未詳里貫累官通直郎元符

三年坐元祐中上書妄議朝政附會奸臣勒停仍展

三期叙于峽州居住

通鑑長編

五年與監廟差遣

楊仲良長編紀

事本末

孔平仲傳

孔平仲字義甫文仲弟以吕公著薦爲秘書丞集賢校理紹聖中言者詆其元祐時附會當路譏毀先烈元符元年削校理知衡州徙韶州坐前上書之故責

惠州別駕安置英州徽宗立召爲戶部金部郎中累
帥鄆延環慶黨論再起罷主管兗州景靈宮卒事蹟
詳宋史本傳

衡鈞傳

衡鈞不祥里貫坐元符末應詔上書譏訕謗斥得罪
宗廟除名勒停編管淄州三年入黨籍邪上尤甚第
六人五年追復舊官資任

楊仲良長編
紀事本末

衮公適傳

衮公適坐元符末應詔上書譏訕謗斥得罪宗廟除
名勒停崇甯三年入黨籍邪上尤甚第三十六人五

年迫復舊官資任

同上

馮百藥傳

馮百藥四川果州人

輿地紀勝

坐元符三年應詔上書謗訕崇寧三年入

黨籍邪中五年吏部注在外

遼同

紹興三十五年有實義郎知武進縣

咸清縣志

周誼傳

周誼坐元符末應詔上書得罪宗廟除名勒停編管

彬州崇甯三年入黨籍邪上尤甚第九人五年追復

朝散郎

同上

孫琮傳

孫琮坐元符末上書譏訕謗斥得罪宗廟落職勒停

編管荆門軍崇甯五年入黨籍邪上尤甚第十一

五年叙復承事郎

同上

范柔中傳

范柔中字元翼江西南城人元豐八年進士累官宣
教郎太學博士其學長于春秋箸春秋見微十卷折
衷三傳去取諸家深得聖人之意元符二年三月詔
求直言柔中上書多詆紹聖併及熙豐之政且獻所
箸春秋見微坐停官雷州羈管入黨籍選人邪上尤
甚第一人崇甯五年叙復承務郎依舊致仕仍不許
放還紹興五年以晏敦復言贈直秘閣與一子官

年繁

要錄參九朝編年楊仲良長
編紀事本末兩江人物志

鄧考甫傳

鄧考甫史傳作孝甫字成之臨州人積官提點開封
府界河渠坐事去官元符末詔求直言孝甫年八十
一上書云亂天下者新法也未流之禍將不可勝言
宜以時更化純法祖宗蔡京嫉之謂爲詆訕宗廟削
籍羈筠州崇甯去黨碑釋逐臣同類者五十三人其
五十人得歸惟孝甫與范柔中封覺民獨否遂卒于
筠事蹟詳宋史本傳

王察傳

王察坐元符末應詔上書譏訕詆斥得罪宗廟落職勒停編管深州崇甯三年入黨籍邪上尤甚第十四人五年於舊資上降兩官追復紹興初贈直祕閣官其子一人總事本末參繫年要錄

趙岫傳

趙岫衢州西安人忤第場之子元祐五年冠氏尉押錢綱有欠改所注官紹聖四年順德軍司法參軍崇甯初坐元符上書得罪宗廟落職勒停編管處州三年入黨籍邪上尤甚第十五人五年于舊資上降兩官收叙長編四百三十七參紀事本末

封覺民傳

封覺民不詳里貫坐元符末應詔上書譏訕謗斥得

罪宗廟除名勒停永不收叙編管簡州崇甯三年入
黨籍邪上尤甚第三人五年追復承事郎楊仲良長
編紀事本

胡端修傳

胡端修武進人祖宿謚文恭父宗愈官尚書右丞謚
修簡宋史皆有傳端修元豐二年進士累官承議郎
坐元符末應詔上書譏訕謗斥得罪宗廟落職勒停
編管廣安軍崇甯三年入黨籍邪上尤甚第七人五
年叙復宣德郎紹興三年贈直秘閣繫年要錄參成
治毘陵志長編

紀事
本末

李傑傳

李傑字穎伯湖南邵陽人熙甯進士厯知永靖二州
元祐初年梓州路轉運判官時瀘南安撫使李琮奏
蠻賊乞弟爲患身死新立願須阿機親手刻到芳牌
乞投降詔傑與知瀘州張先明接納尋遷梓州路提
點刑獄五年改金部郎中言利州路興州青陽鎮見
有銅坑一百餘處舊係西河邊防財用司舉官招誘
收買又本錢亦是本司計置應副昨廢罷本司將上
件銅場併入陝西轉運司管勾自併入後來將銅價
僅減一半又本錢多不敷足雖有所舉監官無由辦

集采銅之人逐旋散潰所收漸少課利日虧今相度
欲乞每斤量與添錢多行計置本錢依舊兼用銀絹
于稱下堆垛及比附韶州岑小場例選官量與酬獎
使設法措置必有所增詔于利州常平錢內借錢五
萬貫充買銅本錢每斤依本處見買價錢餘並從之
長編四百
崇甯元年坐元符末應詔上書譏訕誘斥
得罪宗廟勒停編管唐州三年入黨籍邪上尤甚第
十六人五年于舊資上降兩資收叙後爲湖南安撫
使終于大理卿嘗買書萬卷藏之郡庠置田數千畝

以贍宗族

明一
統志

李賁傳

李賁崇甯選人坐元符末上書謗訕譏斥得罪宗廟
落職勒停編管單州崇甯三年入黨籍邪上尤甚第
十七人五年降兩資收叙

楊仲良長編
紀事本末

趙令時傳

趙令時初字景貺蘇軾爲改字德麟燕懿王元孫也
蚤以才敏聞元祐六年簽書穎州公事時蘇軾爲守
愛其才因薦於朝宣仁后曰宗室聰明者豈少哉顧
德行何如耳竟不許軾被竄令時坐交通軾罰金已
而附內侍譚稹以進紹聖初官至右朝請大夫呂頤

請以令時主行在
太宗正司帝命易環衛官願浩
言令時讀書能文恐不須易帝曰令時昔事譚稹願
遵清議改右監門衛大將軍榮州防禦使權知行在
太宗正事遷洪州觀察使襲封安定郡王尋遷甯遠
軍承宣使同知行在太宗正事四年薨貧無以爲斂
帝命戶部賜銀絹贈開府儀同三司

宋史參
東坡集

郭執中傳

郭執中四川華陽人郭氏以中字行者凡二十六人
皆賢者也執中崇甯二年進士坐元符上書詆譏謗
斥邪上尤甚除名勒停編管成州靖康元年李綱爲

宣撫使督兵救太原執中在幕下种師中敗執中遁
歸紹興初張浚在川陝以執中爲直徽猷閣知嘉州
五年召爲兵部員外郎累官徽猷閣待制樞密都承
旨兼都督行府參議軍務六年卒上覽遺表歎息贈
徽猷閣直學士賜其家銀帛二百匹兩執中禁錮二
十年晚遭際高宗而年齒已老不能收尺寸之效

繫年

要錄參贊著氏族譜
楊仲良紀事本末

石芳傳

石芳眉州人紹聖進士元符末應詔上書譏訕詆斥
得罪宗廟落職勒停編管曹州崇甯三年入黨籍邪

上尤甚第十八人五年降兩資收叙

紀事本末參四川通志

金極傳

金極字克中江西樂平人紹聖進士宰分宜上書乞斬蔡京以謝天下崇甯初坐元符上書謗訕議斥得罪宗廟邪上尤甚第三十三人三年入黨籍五年于舊資上降兩官收叙落職勒停編管廬州適意閒曠以帶隙爲篇蓋曰醉鄉或笑其極極曰極不獲免死其有隨取隨足乎劉讀其言何也夫我境愛

剗藉猶爲不足然樂未久而憂繼之吾儒作達如此紹興初贈太常博士

紀事本末參樂平縣志

高公應傳

高公應坐元符末應詔上書得罪宗廟除名勒停編

管隨州崇甯三年入黨籍邪上尤甚第十二人五年

于舊資上降兩官收叙

楊仲良長編
紀事本末

安信之傳

安信之崇甯初選人坐元符應詔上書譏訕詆斥得罪宗廟落職勒停編管同州崇甯三年入黨籍邪上尤甚第十人五年降兩資收叙

同上

張集傳

張集坐元符末上書謗訕詆斥得罪宗廟落職勒停編管濰州崇甯三年入黨籍邪上尤甚第二十四人

五年降兩資收叙

同上

黃策傳

黃策字子虛蘇州人九歲能屬文嘗追和梁昭明所
選詩持見蘇軾軾曰子異時必以文顯弱冠擢第歷
雍邱主簿齊州教授元符末詔中外言事時昭慈聖
獻皇后既復位號而典冊未有盡正者策引古誼上
書甚切蔡京深銜之崇甯初入黨籍邪上尤甚第二
十八人竊營登州會赦還後爲發運司屬官斥賣京
家貲得京草復元祐皇后制所錄上皇聖語親劄副
本上進見神宗悔悟之心欽聖詔復之旨隆祐誣抑
之由由是京主並后以遂復廢之姦益明建炎中追

錄黨人除直秘閣通判嚴州初欽宗在青宮時聞策名大書隨緣堂三字以賜因自號隨緣居士

姑蘇志卷四十

九紹興二年卒

汪文定集黃師聖墓誌

吳安遜傳

吳安遜坐元符末上書謗訕譏斥得罪宗廟落職勒停編管濮州崇甯三年入黨籍邪上尤甚第十九人五年叙復宣義郎

楊仲良長編紀事本末

周永徽傳

周永徽坐元符末上書謗訕譏斥得罪宗廟落職勒停編管眉州崇甯三年入黨籍邪上尤甚第二十一

人五年于舊資上降兩資收叙送吏部與合入差遣
上同

高漸傳

高漸字善時萍鄉人熙甯進士甯鄉尉論新法有行
而未便便而未盡善者凡十策調廣州錄事參軍建
中靖國初再疏請正元祐元符二后君妾之分崇甯
初編管撫州入黨籍邪上尤甚第廿九人大觀二年
預入寶赦與起居舍人黃庭堅等同時復官

西江人
物志

張夙傳

張夙未詳里貫坐元符末上書譏訕詆斥得罪宗廟

編管廣濟軍崇甯三年入黨籍邪上尤甚第三十一

人五年追復承事郎

楊仲良長編
紀事本末

鮮于綽傳

鮮于綽字大受陽翟人與陳恬叔易崔鶚德符齊名
時稱陽城三士元符元年官太學錄韓維卒綽爲撰
行狀崇甯初坐元符末上書謗訕譏斥得罪宗廟落
職勒停編管河陽軍三年入黨籍邪上尤甚第二十
七人五年于舊資上降兩官收叙著有傳信錄十卷
記元豐後政事得失人物臧否

郡齋讀書志參通
鑑長編紀事本末

呂諒卿傳

呂諒卿福建晉江人與兄惠卿異趣元符中爲温州
軍事推官上書詆紹述新法之非崇甯三年編類元
符章疏姓名諒卿以上書謗訕詆斥得罪宗廟入黨
籍追官勒停亳州編管御書姦黨碑職其兄惠卿惠
卿自劾求罷乞令諒卿出籍諒卿遂廢錮終身紹興
二年贈宣教郎官其家一人

福建通志

王貫傳

王貫不詳里貫坐元符上書譏訕詆斥得罪宗廟編
管棣州崇甯三年入黨籍邪上尤甚第三十二人五
年于舊資上降兩資收叙

楊仲良長編
紀事本末

朱紘傳

朱紘哲宗時累官秘書省校書郎守唐州汾陽縣令
修復故渠爲利旁境計臣言狀遷大理丞崇甯初致
仕三年坐元符末應詔上書謗斥譏訕得罪宗廟除
名勒停以老疾免羈管入黨籍邪上尤甚第二十八
蘇魏公集三十
參紀事本末

吳朋傳

吳朋全椒人元豐進士崇甯三年已故坐元符上書
謗訕譏斥得罪宗廟邪上尤甚第五人入黨籍
事本末參
江南通志
良紀

梁安國傳

梁安國不詳里貫崇甯初蔡京奏舉充講議司國用
檢討官三年坐元符三年上書謗訕勒停永不收叙
羈管襄州入黨籍五年叙復宣義郎

九朝編年參
紀事本末

王古傳

王古浙江建德人歷知會稽成都二縣坐元符上書謗訕得罪宗廟邪
上尤甚第二十五人崇甯三年入黨籍五年官朝散
郎簽書榮州軍事判官兼公事輕車都尉賜緋魚袋

長編紀事本末參
茅山志嚴州府志

蘇迥傳

蘇迥字彥遠東坡之族子登進士第爲蘆川令元符末應日食上言尤爲切直崇甯三年坐上書謗誅除名勒停編管華州入元祐黨籍邪上尤甚五年量移潼川後爲普州安岳尉卒于官紹興初特贈宣教郎

檀罔傳

編紀事本末
輝塵後錄參長

檀罔字以忠建德人登熙甯三年進士第紹聖間官尙書時悉改元祐之政罔上書極言朝廷罷呂大防蘇軾范純仁用章惇曾布蔡卞去三賢而進三凶此天下治亂之由也書奏免官

江南通志卷一百四十八

崇甯三年

坐元符末上書謗訕除名勒停編管湖州五年于舊

資上降兩資收叙

長編紀事本末

何大受傳

何大受成都府雅州人坐元符上書謗訕勒停永不收叙編管襄

州崇甯三年入黨籍五年降兩官收叙

同上

王箴傳

王箴字元直眉山人蘇軾妻同安君之弟九歲通經弱冠軾見其文甚愛與成都學官侯元叔每論古人退卽書數百言如史漢論贊者元叔嘆其有史筆元祐間累詔徵之力辭崇甯元年坐元符上書謗訕勒

停永不收叙羈管通州三年入黨籍五年叙復奉議

郎子先光俱登進士以詩文名

施註蘇詩參萬姓統譜卷四十四長編紀

事本末

鹿敏求傳

鹿敏求不詳里貫元符末官韶州仁化令三年應詔

上書可采除承務郎崇甯三年追所授承事郎降充

簿尉

楊仲良紀事本末

江公望傳

江公望字民表睦州人建中靖國元年由太常博士

拜左司諫內苑蓄珍禽奇獸公望力諫他日入對帝

日已縱遣之矣惟一白鵬蓄之久終不肯去先是帝以柱杖逐鵬鵬不去乃刻公望姓名于杖以識其諫蔡王府吏以語言疑似成獄公望論救出知淮揚軍未幾召爲左司員外郎以直龍圖閣知壽州蔡京爲政編管南安軍遇赦還家卒建炎末與陳瓘同贈右諫議大夫事蹟詳宋史本傳

曾紆傳

曾紆字公袞號空青世家撫之南豐丞相布之第四子也年十三伯父鞏授以韓愈詩文學益進以父任爲承務郎除太常寺主簿左司諫江公望薦紆累數

百言不敢以宰相子爲嫌布免相言者指紆嘗夜過
韓儀公家議復瑤華事且受父客金入元祐黨籍竄
永州會赦復承奉郎監潭州南嶽廟簽書南國軍節
度判官通判鎮江府會淮南漕渠不通涸楚州連數
守罷發運使陳亨伯密奏移知楚州紆因荒政役饑
民渠通而民活者不可勝計因加直秘閣移秀州未
幾提舉京畿常平江南東路轉運判官陞副使罷歸
主管南京鴻慶宮屏居湖州建炎三年苗傅劉正彥
反呂頤浩張俊檄諸州勤王檄至湖州守梁端會士
大夫謀之衆未及言紆奮然曰逆順明甚出師無可

疑者數日苗傅來取兵紆請端械繫使者毋令還高
宗反正御史張守白發其忠除直顯謨閣江南東路
轉運副使盜孫誠等暴誘屬邑一方騷然紆作聖旨
招安單舸見之諭以禍福誠等望風迎拜紆上書請
矯制罪上廉而釋之未幾隆祐皇后崩監護使李回
辟爲修奉議者欲稱園陵紆曰上不日恢復中原奉
隆祐歸祔此特櫝宮耳當先正名朝廷用其言聞者
服其得體提舉明道宮甫兩月起知撫州除江南西
路轉運副使明年除司農少卿改福建路提點刑獄
明年進直寶文閣知衢州未之官卒年六十有三紆

才高識明博極書史其謫永州也黃庭堅曾直得其詩而愛之手書於扇紆之叔父輩不妄許可人嘗曰文章得天才當省學問之半吾文力學至此耳吾家阿紆所得超然未易量也故詩文每出人爭誦之篆隸行艸沈著痛快得古人用筆意

浮溪集曾公墓誌

箸有空

青遺文十卷

高士育傳

高士育濠州人父遵裕宋史有傳士育遵裕幼子元約末累官左班殿直先是邢恕教遵裕之子士京上書言宣仁于哲宗有異心王珪遣遵裕之子來議策

立事遵裕斥去之蔡卞遂唱迫廢聖母之議哲宗不聽三年士育應詔上書言其父最愛士育病且死未嘗離左右不見士充來說王珪所詢廢立之事改承務郎除環慶路幹辦公事崇甯元年追所授官仍爲左班殿直

長編四百八十八

鄧忠臣傳

鄧忠臣字慎思長沙人自號玉池先生熙甯二年進士王珪門客也累官知衡陽縣大理丞元豐四年爲開封府界提舉司管勾官奏言祥符縣鄧公鄉大壩村有泉水民間飲之多能愈疾遂妄以李水子爲名

京師內外士庶軍營子弟轉相告言今日神兒某處
明日神降某處傾動風俗結成朋社率歛財物奔赴
鄧公鄉欲與神立廟小人緣此易生姦心神民異業
不可不禁不報

長編二
百十二

以獻郊祀慶成賦及原廟詩

百韻擢秘書省正字元祐三年以韓川言通判瀛州
遷考功郎忠臣事母周以孝聞母卒護喪歸里飲食
起居哀慕之節皆應古禮有學行能文長于雜記嘗
註杜詩又留心晉史元祐中充注晉史官申省乞差
劉躡蘇象先王摭白時中充晉史檢校官爲姚勔所
劾崇甯初權發遣汝州初范純仁薨諡曰忠宣忠臣

爲謚議有曰每思捐身而獻策常願休兵而息民祇知扶危而濟傾甯恤跋前而疐後又曰方譏言亂國而明蔡確之無實洎姦黨投石而謂大防之可原當衆人莫敢言之時在偏州無可用之地義形正色憤激至誠非特救當世正人端士之網羅直欲戒後世亂臣賊子之迷罔徇公忘己爲國惜賢又曰父母之國有時而去股肱之義於是或虧放之江湖忽如草芥紉蘭澤畔更甚屈原之忠占鵲坐隅已分賈生之死又曰側席南望而挾浮雲之蔽趨節東歸而詠零雨之濛又曰法座想見其風采詔書相望於道塗元

年十二月臣僚上言純仁謚已追奪定議之博士覆議之郎官各罰銅十斤忠臣坐是罷爲管幹南京鴻慶宮三年添入黨籍後贈直秘閣著有玉池集書錄解題參湖陰縣志能改齋漫錄通鑑長編墨莊漫錄

种師極傳

种師極卽師道也案宋史卷三百卅五种師道傳字彝叔世衡孫少從張載學以蔭補三班奉職試法易文階爲熙州推官權同谷縣通判原州提舉秦鳳常平議役法忤蔡京換莊宅使知德順軍又謂其詆毀先烈罷入黨籍屏廢十年宣和初以武功大夫忠州

刺史涇原路都鈐轄知懷德軍又种師道親姪种淵
撰行狀曰亡伯師道出入五朝四更文武忠亮顯著
見于勲業任提舉常平日因上言免役事入元祐黨
籍又紹興五年敕旨故太尉鎮洮軍節度使同知樞
密院事贈少保种師道世載韜略性服仁義早親有
道以自修飾言行無玷出處可觀論新法之害民遂
坐黨籍言北伐之誤國致使退休則師道曾入黨籍
確無疑義今黨籍碑三百九人中有師極無師道則
師極卽師道原名無可疑者史失載耳

韓治傳

韓治字循之

廬史

相州人父忠彥宋史有傳熙甯八年

八月賜進士出身元祐中累官左朝散郎祕閣校理
七年詔侍從官及六曹長貳禮官集議郊祀典禮治
爲太常丞與范純禮等二十二人議曰南郊合祭天
地不見於經王者親祀大而地則闕焉亦非典禮神
宗皇帝考按古誼詔罷合祭元豐六年止祀昊天
上帝於圓丘配以太祖又詔親祠北郊如南郊儀仍命
有司修定儀注則于承祀神祇禮無違者至于二郊
之祭或不並行則有司攝事亦自有典禮合于周官
大宗伯王不與祀則攝位之文惟是北郊先帝未及

躬行然詔旨明甚所宜遵守但當斟酌時宜省繁文
末節則親祠之禮無不可爲蓋天地重祀尤宜敬重
不宜數有廢舉若昨罷合祭違悖經典固須改正旣
已合禮而又紛更恐失朝廷尊事神祇之意伏請並
依先朝詔旨施行紹聖四年知邢州元符元年提點
京西刑獄二年召爲吏部郎中章惇詆爲劉摯門下
半夜客崇甯三年入黨籍五年與知州差遣長編爲
太僕少卿知相州以疾丐祠以其子肖胃代之宋治
與同僚處一日有卒悍厲衆皆怒之唯韓不顧凝如
平時徐言曰無忿疾于頑惟頑能致人忿故也人謂

其有家學

晁氏客語

都貺傳

都貺山西陵川人舉進士元符元年累官承議郎金部員外郎遷至鴻臚卿每朝帝虛已咨問貺據經而對多見嘉納拜梓州轉運提押西川四十五州多著美績崇甯三年坐議棄涇州阻壞先烈降授承議郎權發遣坊州再貺宣德郎監撫州酒稅入黨籍五年叙復朝散郎

山西通志

秦希甫傳

秦希甫字辨之吳郡人元豐三年進士元符中爲陝

西轉運判官初熙河將王贍下邈川胡宗回爲帥復遣贍取青唐詔立鄯州而以邈川爲湟州未幾屬羌叛宗回討之數敗希甫奏王贍厚取邈川青唐府庫金珠等物因此致變及殺森摩乾展等以滅口又言熙河旣受轄正之降以兵至青唐卽求嘉勒之後或只令隆贊承襲方合人心據地里從河州至湟州二百四十五里道路險阨不通車乘惟是頭口馱載人夫擔負幹旋峽中多遇寇掠道無宿頓人無飲食畜無芻秣如赴死地卽今欲全師而歸已是難事緣鄯州招下新羌萬餘人若一離本處皆爲讐敵望朝廷

早追隆贊及三僞公主入鄯州分付降羌令自撫循
求故主溫溪心之後守湟州徐議引出尙爲萬全之
計於朝廷存亡繼絕之道而無虧損漢罷朱崖郡棄
輪臺皆盛德事未爲國恥今所陳事機間不容息乞
早措置萬一後時邊禍不輕臣及州郡官吏雖被重
誅無益成敗然猶未敢深言後患也熙河蘭會經略
使胡宗回怒其異已數沮之希甫乞移他官徽宗卽
位棄鄯州任伯雨再疏宗回罪奪職知蘄州崇甯初
黨論起言者又以希甫棄地爲罪降官勒停三年入
黨籍

通鑑長編參
王鑒姑蘇志

五年叙復朝散大夫與知州差遣

紀事
本末

錢景祥傳

錢景祥字孺文吳王越伯之曾孫元祐元年官籍田

令

山谷年譜十九

四年知黃巖縣

赤城志九

紹聖初坐議棄湟州阻壞

先烈勒傳崇寧三年入黨議五年叙復承議郎

紀事本末

周綽傳

周綽福建龍溪人兄純累官京西轉運判官戶部員外郎綽熙寧六年進士元符二年累官廣信軍通判言沿邊兵器不修者萬數物料不計工力亦有所不逮攻守之器類用毛羽絲枲膠漆經者則水氣蒸鬱

修之數少壞之數多又言廣信城北鮑河夏秋山雨
暴漲倒流入城淹浸革場漂蕩屋舍又廣信安甯三
州之兵乞與巡邊司兵滾同差使又河朔馬不足請
就近地或府界或西市團綱分配邊城并提道官八
員無職事可領乞罷屯田判官願專置一官所在責
逐縣令佐兼領田事上謂輔臣曰綽所陳頗有理可
令召對

長編五
百十

遷戶部員外郎與兄純同任有大小

戶部之稱未幾出權秦鳳經略司元符二年奏役使
勞敝乞不候來春先次賑貸本路保甲一次來春更
依條賑貸從之

長編五
百十八

崇甯元年知興化軍

福建
通志三

年入黨籍

何大正傳

何大正字自中大庾人博通諸經尤達於易元祐間太學上舍生諸儒推許元符三年應詔上書請還元祐孟后位號賜同進士出身眞州司法參軍崇甯元年追所賜出身並不得應舉後官南雄州司理治獄察情根于所學

廣東黃志

致仕卒

江西通志引西江人物志

呂彥祖傳

呂彥祖開封人登進士元符三年應詔上書可採除淄州司戶參軍崇甯元年追所授官

通鑑長編參楊仲良紀事本末

梁寬傳

梁寬江西新喻人熙甯六年進士累官朝請郎建中靖國元年言紹聖之初姦臣特進是時不惟朝廷之士革面迎合雖山野書生亦懷觀望捫闔之術舉人畢漸廷試對策其心本欲附會時流以窺上第其間言語不顧輕重有傷事體傳播四夷所損不細又如紹聖之際方天若對策其閒以不誅南竄大臣家屬爲恨以不沒元祐公相家貲爲惜天若聞中匹夫於元祐大臣公卿有何宿憾時以蔡卞用事正持威柄方務傾覆大臣既欲行其妻父素志又欲復其平日

私讐天若者蔡京之門人蔡卞之飛走也鷹犬效力
僕妾事人其言何所不至云云伏見將來科詔不遠
欲乞下禮部每遇廷試戒約舉人立爲法式不得狂
妄不答所問有違此者罪在考官然後罷黜此流所
貴少厚風俗崇甯三年坐元符末上書言多詆譏降
授朝散郎差監南康軍酒稅紀事本末寬博學高才
受知于范純粹屢從徵辟爲上客過庭錄

沈千傳

沈千歸安人元豐二年進士崇甯三年坐元符上書
邪上第十七人入黨籍降授宣德郎添差監常州酒

稅後復官終提舉杭州集虛觀贈奉政大夫

長編紀事本末

參談錄子昭遠

累年要錄

湖州府志有傳

曹興宗傳

曹興宗坐元符上書言多譏訕降兩官添差監當降

授宣德郎監壽州酒稅三年勒停入黨籍五年叙復

承議郎

楊仲良長編紀事本末

羅鼎臣傳

羅鼎臣不詳里貫坐元符上書言多詆譏邪上第五

人降兩官致仕三年入黨籍

同上

劉渤傳

劉澗眉山人熙甯進士初任溫江修建學校元符中
詔求直言九上書辨宣仁太后之誣及司馬光之枉
乞用范純仁蘇轍斥退章惇蔡卞呂惠卿蔡京改提
舉河北路常平崇甯三年坐元符上書言多詆議降
授承議郎監綿州酒稅入黨籍四川通志卷百五
十引宋劉甲蜀人

志參
眉州志

王拯傳

王拯□崇甯初選人元符上書言多詆議邪上第三
十七人衝替不得改官三年入黨籍崇甯五年叙復

宣德郎

楊仲良長編
紀事本末

黃安期傳

黃安期不詳里貫坐元符上書言多譏訕邪上第十
五人降兩官添差監當降授宣德郎監處州酒稅崇
甯三年入黨籍五年叙復奉議郎

同上

陳師錫傳

陳師錫字伯備建州建陽人游太學有僞聲神宗知
其材廷試擢第三調昭慶軍掌書記郡守蘇軾器之
倚以爲政熙甯中知臨安縣爲監察御史疏言章惇
猶據高位司馬光等贈諡未還墓碑未復蔡京爲翰
林學士師錫言京與弟卞同惡而京好大喜功交結

內侍戚里以覬大用若果用之天下治亂自是而分
祖宗基業自是而壞矣改考功郎中師錫抗章曰蔡
京未正典刑願受竄貶于是出知穎廬滑三州坐黨
論監衡州酒稅又削官安置郴州卒師錫始與陳瓘
論京卞時號二陳紹興中贈直龍圖閣事蹟詳宋史
本傳

于肇傳

于肇坐元符末上書言多譏訕衝替不得改官崇甯
二年入黨籍邪上第六人五年吏部注在外差遣

楊仲

良長編紀
事本末

黃遷傳

黃遷四川陵井監人第進士元祐元年上言山澤之利莫過鹽井向者有于課稅之外更使一井歲輸五十萬緡謂之官溪錢願蠲除之

長編三百七十六

坐元符末

應詔上書言多詆斥衝替永不改官崇甯三年入黨籍五年令吏部注在外差遣

同上